



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2361. Kurfürst Joachim und Markgraf Albrecht belehnen Georg und
Heinrich Unruh mit ihren im Züllichau`schen belegenen Besitzungen, am
1. Dezember 1499.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2361. Kurfürst Joachim und Markgraf Albrecht belehnen Georg und Heinrich Uruh mit ihren im Züllichau'schen belegenen Besitzungen, am 1. Dezember 1499.

Von gotts gnaden wir Joachim, kurfürst etc. vnd Albrecht, gebrudere etc., Bekennen vnd thun kunt offentlich mit dissem vnserm briue vor vnns, vnser erben vnd nachkomen, Marggrauen zw Brandenburg, vnd sunst vor allermeniglich, das wir vnsern lieben getrewen Georgen vnd heinrichen vruhen, als den Eltesten, vnd Irn brudern Symon vnd Jacob, iczund vnmündig, zu getrewen handen vorzutragen, disse hirnachgeschriben gutter vnd lehen, In vnserm czulchischem weichbild gelegen, zu rechtem manlehn vnd gesampter hanndt gnediglichen gelihen haben, Nemlich ein vorwerck mit vir gebawren, zwe wanen zu kemptzig vnd zwen zw Bockow, mit sampt zweien gertnern vnd ein mollen, die do leit zu kemptzig bey dem vorwerck mit einer freien drift vnd kirchlehen mit puschon, wizen, zinsen vnd mit aller gerechtigkeit, Inmassen ir vater seliger sollichs alles besessen, gebraucht vnd an sy geerbet hat; vnd wir leihen Inen sollich lehen vnd gutter zw rechtem manlehn vnd gesambter hant In crafft vnd macht disses briues etc. — Geben zu Custrin, am Suntag nach andree, Im XCIX. Jare.

Nach dem Churmärk. Lehnspecialbuche XXX, 144.

2362. Kurfürst Joachim und Markgraf Albrecht bestätigen den Gewandschneidern zu Croffen ihr Gilde-Privilegium, am 14. Januar 1500.

Von gotts gnaden wir Joachim, kurfürst etc. vnd albrecht, gebruder etc., Bekennen etc., als wir auß warhafftiger vnd beständiger vnderrichtung vnser liben getrewen Burgermeistern vnd Rathmannen vnser Stadt Croffen vermerckt, das vnser liebe getrewen Maister vnd Bruder der gulden vnd Innige der gewantsneider dafelbs zu Croffen von alders eine redliche vnd gewonliche Innunge gehabt, gehalten vnd der gebraucht haben, die Inen auch von irer gnedigen herschafft vnd auch von etwe dem hochgeboren fursten herr Johannszen, Marggrauen zu Brandenburg, Churfürsten, vnsern lieben herrn vnd vater seliger gedechtnus, mit vollstendigen briuen bestettigt vnd beuestet weren, die Inen dann shewers halben verdorben vnd zu nichte worden sein, daruff vnns dieselbenn Meister vnd gulde Bruder demutig gebeten, das wir sie widervmb mit einer redlichen gewonlichen Innunge zu begnaden vnd auch die zu bestettigen geruchten, das wir In ansehunge solchs gewonlicher herkomens, auch iren getrewen, willigen vnd gehorsamen dienst, vnns vnd vnser herschafft gethan, mit einer gewonlicher gulde vnd Innunge begnadet, bestettigt vnd confirmiret haben, Begnaden, bestettigen vnd confirmiren In die In crafft vnd macht disses briues, Nem-